

17 SEP 2001

AGONG UTUS UCAPAN TAHNIAH KEPADA PRESIDEN CHILE

KUALA LUMPUR, 17 Sept (Bernama) -- Yang di-Pertuan Agong Sultan Salahuddin Abdul Aziz Shah hari ini menghantar perutusan tahniah kepada Presiden Chile Ricardo Lagos Escobar sempena Hari Kemerdekaan negara itu.

"Beta dan Raja Permaisuri Agong ingin mengucapkan tahniah dan berdoa semoga anda terus sihat sejahtera," titah baginda daam satu kenyataan yang dikeluarkan oleh Wisma Putra di sini, hari ini.

Perdana Menteri Datuk Seri Dr Mahathir Mohamad juga mengutuskan perutusan yang sama kepada Escobar.

Dr Mahathir berkata beliau yakin di bawah pemerintahan Escobar, Chile akan terus berkembang sebagai sebuah negara yang stabil dan makmur.

Beliau berharap hubungan mesra dan rapat yang sedia terjalin antara kedua-dua negara akan terus mekar demi manfaat rakyat mereka.

Menteri Luar Datuk Seri Syed Hamid Albar dalam perutusannya kepada rakan sejawatan Soledad Alvear Valenzuela berkata beliau berharap dapat mengukuhkan lagi hubungan dua hala sedia ada pada masa akan datang.

-- BERNAMA

RZS HK NAK